



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Ad Decretvm XXV.

urn:nbn:de:hbz:466:1-14298

Ad DECRETVM XXIII
& XXIV.

Mirum Charissimi non est, talia peccata nimium pro dolor in hac patria vigeat; quia multi eorum qui corripere deberent, curamque animarum habent, proximis mala exempla monstrant, Nobisque pro debita correctione non indicant; itaque simul suam conscientiam valde gravant, rationem & Deo & Nobis strictam reddituri.

Ad DECRETVM XXV.

Cum deprehenderimus a quibusdam pro presentatione ad beneficia ac Pastoratus certam pecunia summam non sine gravi peccato & Simoniae labo exigi: Hinc singulos monemus ut pro presentatione aut collatione ad curata vel non curata beneficia cum nemine de certa pecunia, aut alia compensatione contrahant, scientes, quod si fecerint eo ipso ad beneficia inhabiles fiant, & utraque pars una cum Mediatoribus gravissimis censuris innodetur, etiam Pontifici reservatis, & ad fructuum restitutionem teneantur, nec non jure presentationis aut alio sibi competenti, pro illa vice cadant.

Ad DECRETVM XXVI.

Nolumus de hoc cœno pluribus loqui, vel de eo amovendo ultra priora Nostra statuere possumus. Quandoquidem vero aliqui de occulta hujusmodi coniunctione suspectos se faciunt, eos ad tribunal D E I, cui omne cor patet, omnis voluntas loquitur, & nullum latet secretum etiam quod in abscondito fit, remittimus: Curabimus tamen & Nos diligenter inquire, domos etiam per Laicos visitari; prioraque Nostra decreta de hujusmodi scortis ad catastam applicandis, & patria proscribendis; præterea Sacerdotes & Ecclesiasticos peccantes ulterius beneficiis privandos, serio exequi faciemus,

Vos vero Confessarios, qui tales absolvitis, officii vestri, juxta Canones & decretorum nostrorum commonefacimus, vestrasque conscientias oneramus: Præcipue vero illorum, qui cum in eadem vivant culpa scandalosi, alias similes in confessionali sacrilege audiunt, & absolvere tentant: Et quid de his dicemus qui tales Confessarios querunt; nisi quod mulus mulum scabat: & quam spem emendationis tales de se reddunt, imo quam spem salutis habere sibi possunt? Breviter; utrisque in posterum attendemus diligenter; & serio eos emendabimus, ne in Nos ipsos ira Dei provocetur.

Ad DECRETVM XXVII.

Indignamur merito inobedientiam, cum præcipue in beneficiis simplicibus provisi

instituuntur, nec Nobis etiam postea de provisione aut qualitate fidem faciunt, vel provisi vel institutores.

Hinc merito serio hoc decretum repetimus, in contumaces tam institutores quam ipsos provisos certo animadversuri pœna arbitrariâ. Idem etiam facturi contra eos, qui suorum beneficiorum quot, & quæ possident designationem ante proximam Synodum Nobis non tradiderint, pro ut ultimus §. hujus decreti præcipit.

Ad DECRETVM XXVIII.

Magnum, inquit S. Ioannes Chrysostomus, magnum quiddam dilectissimi, est Ecclesia Prælatio, & quæ multa indiget sapientia ac fortitudine. Tantum hoc quæsio Prælati, Præpositi, Decani aliqui cogitate, quam ardua res sit Ecclesie prælatio: quæ non tantum in dignitate aut majoribus redditibus consistit, sed quanto major est prælatio, tanto major unicuique est reddenda ratio. Bono exemplo, caritatis Zelo, singulari solitudine, maximâ curâ in sibi commissos opus est; ne ex Prælatis fiant tantum elati, & pascant semetipos, neglecto grege. Certe tales potentes potenter tormenta patientur.

Ad DECRETVM XXIX.

Archidiaconi Nostri hoc decretum bene considerare, suamque commissionem examinare debent, ne & suas & aliorum conscientias ulterius aliqui gravent: Zelus domus Dei & animarum nonnunquam & in his & in illis deest, cum scilicet cupiditas prædominatur, & emunctio tantum queritur. A multo tempore nostri regiminis, vix recordamur, ullam ab iis ad Nos factam relationem, pro ut obligati sunt, licet gravissimos nonnunquam casus, præfertim beli licentia contigisse dubium vix esse posset. Imo ab ipsis multa contra canones Concilii Trident. suamque commissionem non sine laetione & suæ & aliorum conscientiæ, attentantur. Sunt & alia circa quæ propediem cum illis tractabimus. Interrim eos per misericordiam Dei in hoc confessu exhortamur, ut officium suum per se suosque ita peragant, quatenus nec Nos de ipsis promotione, nec ipsi de tanti officii susceptione damnari à Domino, sed remunerari potius in cœlo mereamur.

Ad DECRETVM XXX.

Exspectamus similiter crebriores relationes à Decanis ruralibus, ut ad minimum singulis trimestribus, seu quatuor temporibus, ad Nos vel vicarium nostrum statum sui Decanatus, Ecclesiarum & personarum commissarum exacte transcribant: Et Ecclesiasticorum menstruæ saltem confessionis testimonia diligenter transmittant, cum inferiore